



ENQUISA DO PERFIL DE INGRESO DO ALUMNADO DO GRAO EN BIOLOXÍA DA FACULTADE DE BIOLOXÍA DA USC

Curso Académico: 2020-2021

**Aprobado pola Comisión de Título do Grao en Bioloxía o 17/03/2022
Aprobado pola Comisión de Calidade da Facultade de Bioloxía o 24/03/2022**

Alumnos/as de nova matrícula	p. 3
Procedencia académica do alumnado	p. 3
Probas de acceso a Universidade (ingreso)	p. 4
<i>Materias elixidas e rendemento nas mesmas</i>	p. 4
<i>Nota de acceso (ABAU)</i>	p. 4
Elección de Grao e Universidade (ingreso)	p. 5
Anexo	p. 7

Alumnos/as de nova matrícula

No curso 2020-2021 a Facultade de Bioloxía ofertou 110 prazas para cursar o Grao de Bioloxía (das que 10 corresponden ao Dobre Grao Química-Bioloxía) e que foron cubertas.

A gran maioría do alumnado procede do Bacharelato (LOMCE) de Ciencias e superaron as probas de Avaliación do Bacharelato para o Acceso á Universidade (ABAU). Así, para o alumnado do Grao en Bioloxía no curso 2020/21, o 9% procede de Formación Profesional, o 1% accede como graduado universitario, e o 90% restante das probas de acceso a universidade.

Ao inicio de cada curso académico a Facultade de Bioloxía organiza un acto de acollida para o alumnado de primeiro curso, no que se realizaba a enquisa de perfil de ingreso. No curso 2020/21 celebrouse o acto de acollida, pero a situación sanitaria non recomendaba a realización da enquisa en papel. O alumnado foi informado do interese que ten a recollida desta información para os procesos de calidade e mellora e de que este ano se realizaría de modo virtual a través da plataforma *MSForms* (Modelo similar ao do Anexo). Na devandita enquisa consultóuselles sobre a nota de acceso, as materias que cursaran no bacharelato, as materias das que se examinaran na proba xeral e na específica e as cualificacións obtidas, así como a orde de prelación dos grados nos que solicitaron o ingreso e as universidades correspondentes.

A enquisa estivo aberta entre o 23 de setembro e o 2 de outubro de 2020 para o alumnado que accedeu no curso 2020/21, contestando a enquisa 73 alumnos/as de novo ingreso no Grado de Bioloxía e 7 do Dobre Grao Química-Bioloxía polo que a podemos considerar representativa.

Os resultados máis destacables dos datos aportados por los alumnos resúmense a continuación.

Procedencia académica do alumnado: Materias cursadas no bacharelato

Do alumnado que accedeu ao Grao en Bioloxía, das materias de 1º curso de bacharelato, o **70% cursou Bioloxía e Xeoloxía, o 85% Física e Química e o 78% Matemáticas I**. Respecto ás materias de 2º curso de bacharelato **a totalidade cursara Bioloxía, o 95% Matemáticas II o 92% Química, o 33% Ciencias da Terra e do Medio Ambiente e tan so un 19% Xeoloxía e o 3% Física**.

No caso do alumnado do Dobre Grao Química-Bioloxía, o **100% cursou Matemáticas I e o 83% Física e Química e Bioloxía e Xeoloxía** en 1º curso de bacharelato. Respecto ás materias de 2º curso, **todos os alumnos/as cursaran Matemáticas II e Química e o 86% Bioloxía**, mentres que a porcentaxe do alumnado que cursou Xeoloxía (29%), Física e Ciencias da Terra e do Medio Ambiente (14%) son moito mais baixas.

Probas de acceso a Universidade (Ingreso)

Materias elixidas e rendemento nas mesmas

Os resultados da enquisa realizada ao alumnado que accedeu ao Grao en Bioloxía indican que a maioría se examinou de Matemáticas (92%), Bioloxía (86%) e Química (79%), e so o 7% o fixo de Xeoloxía e o 3% de Física.

Os mellores rendementos son para Bioloxía, Matemáticas e Química (medianas de 8,25 puntos sobre 10); en Xeoloxía e Física os rendementos están un pouco por debaixo (medianas de 7 e 7,1 puntos sobre 10 respectivamente). Os primeiros cuartís sitúanse por riba de 6 puntos en todas as materias, sendo superiores a 7 en Bioloxía, Matemáticas e Xeoloxía. Moi poucos alumnos/as suspenderon os exames: 1 alumno/a suspendeu Bioloxía e 5 Química, o que representa o 1,6% e o 8,7% dos que se examinaron de Bioloxía e Química respectivamente (Figura 1).

Para o alumnado que accedeu ao Dobre Grao Bioloxía-Química, os resultados son similares ao dos/as alumnos/as do Grao de Bioloxía, neste caso o 100% dos enquisados examináronse de Matemáticas, o 83% de Bioloxía e de Química, o 29% de Ciencias da Terra e do Medio Ambiente e o 14% de Física e de Xeoloxía.

No alumnado do Dobre Grao os mellores rendementos son para Xeoloxía, Matemáticas, Ciencias da Terra e do Medio Ambiente e Química (medianas superiores a 9 puntos sobre 10). As medianas das cualificación de Bioloxía e Física son de 8 e 7,5 puntos (sobre 10) respectivamente. Os primeiros cuartís sitúanse por encima de 6 puntos, destacando os valores de Matemáticas, Química e Ciencias da Terra e do Medio Ambiente que son superiores a 8 puntos (8,38, 8,25 e 8,9 puntos, respectivamente). Todos os alumnos/as superaron as probas das que se examinaron (Figura 1).

Comparando o perfil do alumnado do Grao de Bioloxía e do Dobre Grao en Bioloxía-Química, destacan os mellores resultados académicos nas probas de Matemáticas,

Química e Xeoloxía da ABAU do alumnado do Dobre Grao.

Pódese concluír que o alumnado que accede ao Grao en Bioloxía e ao Dobre Grao Bioloxía-Química que se imparten na Facultade de Bioloxía cursou maioritariamente as materias de Bioloxía e Xeoloxía, Física e Química, Matemáticas I, Bioloxía, Química e Matemáticas II. Isto plásmase na elección das materias das que se examinan na ABAU que adoitan ser Bioloxía, Química e Matemáticas, nas que aproban mais do 91% e presentan una notas cuxo valor da mediana corresponde a unha cualificación de notable salvo excepcións. Un 9% dos/as alumnos/as que acceden ao Grao en Bioloxía pode presentar carencias formativas en Química.

Nota de acceso da ABAU

O 99,1% do alumnado que contestou a enquisa ten unha nota de acceso ao Grao en Bioloxía da USC maior ou igual a 9,9 puntos sobre 14 (entre 9,9 e 13,4), sendo os valores da media e da mediana de 11 e 10,8 puntos respectivamente. So un alumno/a ten unha nota de acceso menor (8,9) ao acceder a través doutros procedementos previstos na lei (probos de acceso a maiores de 25 ou 45 anos, titulados universitarios, deportistas de elite, ...).

O rendemento nas probas da ABAU do alumnado do Dobre Grao é superior ao do alumnado do Grao en Bioloxía; todos teñen unha nota superior a 11 sobre 14 (entre 11,6 e 13), cunha media de 12,1 e unha mediana de 12 puntos.

Pódese concluír que o alumnado que accede ao Grao en Bioloxía e ao Dobre Grao Bioloxía-Química que se imparten na Facultade de Bioloxía é un alumnado con notas de acceso de notable.

Elección de Grao e Universidade


Para o curso 2020/2021, a porcentaxe de alumnos/as que seleccionaron o Grao en Bioloxía da USC como primeira e segunda opción foi do 63% e do 17% respectivamente.

O 71% do alumnado que accedeu ao Dobre Grao Bioloxía-Química indicou que esta titulación era a súa primeira opción.

Pódese concluír que a maioría dos/as alumnos/as que cursa estudos do Grao en

Bioloxía e do Dobre Grao Bioloxía-Química na Facultade de Bioloxía da USC, seleccionaron estes estudos como a súa primeira opción.

Figura 1. Distribución dos valores da nota na ABAU por materia dos/as alumnos/as que accederon aos estudos de Grao en Bioloxía e Dobre Grao Bioloxía-Química na Facultade de Bioloxía no curso 2020/2021. As caixas representan os cuartís e os bigotes os valores mínimos e máximos para as distintas materias (B: Bioloxía, F: Física, M: Matemáticas, Q: Química e X:Xeoloxía). A liña vermella representa o valor de 5. Inclúese tamén a porcentaxe do alumnado que realizou as probas de cada materia (liña negra).



Anexo. Enquisa do perfil de acceso

ENQUISA PERFIL DE INGRESO

1) Nota da ABAU de acceso ao Grao :

2) Materias cursadas en Bacharelato (contesta Si/Non no espazo adxacente):

Bioloxía e Xeoloxía	
Física e Química	
Matemáticas I	
Bioloxía	
Química	
Xeoloxía	
Física	
Matemáticas II	
Ciencias da Terra e do Medio Ambiente	

3) Materia obrigatoria de modalidade da que te examinaches na ABAU (inclúe a nota que obtiveches, se te acordas ou a podes consultar, na paréntese):

.....(.....)

4) Que materias escolliches para a fase específica da ABAU? (inclúe a nota que obtiveches, se te acordas ou a podes consultar, na paréntese):

.....(.....)

.....(.....)

.....(.....)

.....(.....)

5) Cal foi a túa orde de prelación dos graos que escolliches e en que universidade?

Opción	Grado	Universidade
Primeira		
Segunda		
Terceira		
Cuarta		